

41
2
3

冥樞會要

中

延壽學院文庫

真樞會要卷中

身延之文庫

祖心集

第三十六卷

板十五

○聖心無有取相之知故云無知非

謂無真如也何者般若靈鑑無種不知不同太虛一向無知也然則斷見無知略有十一種論中略言三種十一種一者太虛一向空故二者木石謂無情故三者聾瞽謂根不具無見聞故此上三種是論所破四者愚礙謂無智慧於境不了故五者顛狂惡鬼惑心失本性故六者心亂境多惑心不能決斷故七者悶絕心神暗黑如死人故八者昏醉為樂所迷故九



日持

者睡眠神識困熟故十者無想定外道伏惑心想不行故十一者滅盡定二乘住寂心皆止滅故此上並是惑倒非般若無知也

第三十七卷 **板** ○初破無明見佛性開寶藏顯真如名發心住乃至等覺無明微薄智慧轉著如從初月至十四日月光垂圓暗垂盡若人應以佛身得度者即八相成道應以九法求身得度者以普門示現如經廣說是名分真菩提亦名分真止觀分真智斷究竟即菩提者等覺一轉入干妙覺智光圓滿不可復增名菩提果大涅槃斷更無可斷名果果等覺不通

唯佛能通過茶無道可說故名究竟菩提 **板** 原夫立教皆爲對機機宜不同教分多種且如觀色一法五教證入不同初小乘見是實色不說性空初教見此色法隨緣所成必無自性即空無所有如波歸水終教見色空無礙以真空不守自性隨緣成色即是幻色遂賴空成即此賴空之色虛相無體恒自性盡而空現是故色即空而常泯空即色而常存要由自盡之色方是空色成色之空乃是真空舉體互融無有障礙如水入波 賴教一色法無非眞理所收是故此色即眞理一味等更無別法而可顯說水波

雙絕。○圓教起即全收一多互攝同時成立一塊圓明隨舉即色隨舉即空義味自在隨智取用何以故隨舉一門無不顯現古德云皆本一心而貫諸法夫一心者萬法之揔也分而爲戒定慧開而爲六度散而爲萬行萬行未嘗非一心一心未嘗違萬行然則一心者萬法之所生而不屬於萬法得之者則於法自在矣見之者則於教無礙矣。○本非法不可以法說本非教不可以教傳豈可以軌迹而尋哉故知但研精一法內照分明自然柔軟入神順法界之性無心合道履一際之門華嚴私記云無縛無著迴向者

只了一切皆如故所以無縛著耳知一切皆無縛脫一法既爾一切法皆然所以一切法即一法一法即一切法若一切法皆無性即是分身佛集寶塔出現須弥入芥耳如是洞達一解千從則知佛向無所有中出生法於畢竟空中建立以無生無性故回轉由心遂得集散同時大小即入所以森羅義趣報化影像乃至無量德業廣大神通於宗鏡中一時顯現且如龍蜃等類全是業果生死之身尚現不思議之力用何況悟根本心具如實智而不能現廣大之神用乎

八 ○華嚴經云佛子如羅睺阿脩羅王本身長七

百由旬化形長十六萬八千由旬於大海中出其半身與須彌山而正齊等佛子彼阿脩羅王雖化其身長十六萬八千由旬然亦不壞本身之相諸蘊界處悉皆如本心不錯亂不於變化身而作他想於其本身生非已想本受生身恒受諸樂化身常現種種自在神通威力佛子阿脩羅王有貪恚癡具足憍慢尚能如是變現其身何況菩薩摩訶薩能深了達心法如幻一切世間皆悉如夢一切諸佛出興於世皆如影像一切世界猶如變化言語音聲悉皆如響見如實法以如實法而為其身知一切法本性清淨了知

身心無有實體其身普住無量境界以佛智慧廣大光明淨修一切菩提之行乃至如有幻師隨於一處作諸幻術不以幻地故壞於本地不以幻日故壞於本日菩薩摩訶薩亦復如是於無國土現有國土於有國土現無國土於有衆生現無衆生於無衆生現有衆生無色現色色現無色初不亂後後不亂初菩薩了知一切世法悉亦如是同於幻化知法幻故知智幻知智幻故知業幻知智幻業幻已起於幻智觀一切業如世幻者不於處外而現其幻亦不於幻外而有其處菩薩摩訶薩亦復如是不於虛空外入世

間亦不於世間外入虛空何以故虛空世間無差別
故住於世間亦住虛空菩薩摩訶薩於虛空中能見
能修一切世間種種差別妙莊嚴業於一念頃悉能
了知無數世界若成若壞亦知諸劫相續次第能於
一念現無數劫亦不令其一念廣大菩薩摩訶薩得
不思議解脫幻智到於彼岸住於幻際入世幻數思
惟諸法悉皆如幻不違幻世盡於幻智了知三世與
幻無別決定通達心無邊際如諸如來住如幻智其
心平等菩薩摩訶薩亦復如是知諸世間皆悉如幻
於一切處皆無所著無有我所如彼幻師作諸幻事

雖不與彼幻事同住而於幻事亦無迷惑菩薩摩訶
薩亦復如是知一切法到於彼岸心不計我能入於
法亦不於法而有錯亂樹○略明無分別智證理法
果以爲五門○一能所歷然謂以無分別智證無差
別理如日合空雖不可分而日非空空非日光○二
能所無二以知一切法即自心性以即體之智還照
心體舉一全收舉瑤收智智非理外舉智收理智體
即寂如一明珠珠自有光光還照珠○三能所俱泯
由智即理故智非智以全同理無自體故由理即智
故理非理以全同智無有立故如波即水動相便虛

如水即波靜相亦隱動靜兩亡性相齊離○四存泯
無礙離相離性則能所雙泯不壞性相能所歷然如
波與水雖動靜兩亡不壞波濕○五舉一全收上列
四門欲彰義異理既融攝曾無二原如海一滴具百
川味板○華嚴疏云生之無生真性湛然無生之生
業果宛然是知若即念存者念即是常見離生求無
生即是斷見皆不達實相無生無滅之理若正了無
生則無生無不生豈定報有生無生之二見乎所以
云誰無念誰無生若實無生無不生喚取機關木人
問求佛施功早晚成若以息念歸無念如同寒木死

灰與木人何別豈有成佛之期耶期乃尚未知即念
而無念寧知一念頓圓乎

第三十八卷板○昔佛在世時有一道人在河邊樹

下學道十二年中貪想不除走心散意但念云欲目
色耳聲鼻香口味身受心法身靜意遊曾無寧息十
二年中不能得道佛知可度化作沙門往至其所樹
下共宿須臾月明有龜狗相逢便欲噉龜龜縮其頭
尾及其四脚藏於甲中不能得噉水狗少遠復出頭
足行步如故不能奈何遂便得脫於是道人問化沙
門此龜有護命之鎧水狗不能得其便沙門答言吾

念世人不如此龜不如無常放恣六情外魔得便形
壞神去生死無端輪轉五道苦惱百千皆意所造宜
自勉勵求滅度安於是化沙門即說偈言藏六如此
防意如城慧與魔戰勝則無患是以意地若息則六
趣俱閑一切境魔不能爲便如龜藏六善護其命
板十玄門者一同時具足相應門智嚴法師釋云龜
約相應無前後說此十玄門一一皆具十法同時具
足一教義二理事三境時四行位五因果六依正七
體用八人法九逆順十感應隨有一處即具此十法
悉皆同時具足**板**十定品云譬如有人爲鬼所時

其身戰動不能自安鬼不現身令他身然菩薩摩訶
薩住此三昧亦復如是自身入定他身起他身入定
自身起佛子譬如死屍以咒力故而能起行隨所作
事皆得成就屍之與咒雖各差別而能和合成就彼
事菩薩摩訶薩住此三昧亦復如是同境入定異境
起異境入定同境起佛子譬如比丘得心自在或以
一身作多身或以多身作一身非一身沒多身生非
多身沒一身生菩薩摩訶薩住此三昧亦復如是一
身入定多身起多身入定一身起佛子譬如大地其
味一種所生苗稼種種味別地雖無差別然味有殊

異菩薩住此三昧亦復如是無所分別然有一種入
定多種起多種入定一種起極○問若此宗明即入
不論神力乃言自體常如此者斯則渾無疆界無終
無始何緣得辨因果教義等十法耶答即以隨智差
別故舉一為主餘皆為伴猶如帝網舉一孔為首衆
孔現中一孔既余一切孔現亦如是又如諸方菩薩
皆來證誠同其名号一切十方證誠皆亦是所以
成其無盡復無盡而不失因果先後次第而體無增
減故經云一切衆生成佛佛果不增衆生界不減

極

○理事融通非一非異非有非無不墜邊邪方能

悟入如理無分限揔曰無邊事有分限故名有邊若
依理成事理性全隱則無邊即邊若會事歸理事相
全盡則邊即無邊今則不爾不失理而事現云無邊
之邊不壞事而理顯云邊之無邊若定言一異非一
非異非非一非非異等盡同戲論不契真如故三無
性論復次無戲論故名為真實無戲論者於相等離
一異虛妄故乃至若真如與相等異即有三過失一
者此真如即非相等實體二者修觀行則不依相等
為方便得通達真如三者覺真如已則應未達相等
諸法不相關故也若真如與相等是一亦有三過一

者真如既無差別相等亦應無差別二者若見相等即見真如三者若見真如不能清淨如見相等則無有聖人無得解脫無有涅槃出出此異是故由離一異等無戲論故無變異故變異故即是真實性也是知非一非異非有非空此宗鏡之文理事玄奧如弄珠鈴之者其珠不住空中不落地不在手裏既不在三處亦不住一處不住空中即喻不住空觀不落地上即喻不住假觀不在手裏即喻不住中觀既不住三亦不成一則非一非三而三而一斯爲妙矣若未偶斯旨所有見聞皆墮斷常不成玄妙若入宗鏡

無往不真昔所不知而今得知昔所不見而今得見如大涅槃經云於一心中則具足現五趣身所以者何以得如來大涅槃經之勢力故是則名爲昔所不得而今得之乃至於一念中遍知六趣衆生之心是名菩薩昔所不知而今得知

第三十九卷 **板** 夫覺王明勅大教指歸末法比丘須依四念處修道其旨如何答此出大般涅槃經最後垂示揔前教迹同此指歸以四念處即是宗鏡所明一切衆生身受心法如經云佛告阿難如汝所問佛涅槃後依何住者阿難依四念處嚴心而住觀身性

相同於虛空名身念處觀受不在內外不住中間名
受念處觀心但有名字名字性離名心念處觀法不
得善法不得不善法名法念處阿難一切行者應當
依此四念處住板四○圓教四念處者念是觀慧大論
云念想智皆一法異名初錄心名念次習行名想後
成辨名智處者境也皆不離薩婆若能觀之智照而
常寂名之為念所觀之境寂而常照名之為處境寂
智亦寂智照境亦照一相無相無相一相即是實相
實相即是一實諦亦名虛空佛性亦名大般涅槃如
是境智無二無異如如之境即如如之智智即是境

異說智及智處皆名為般若亦例云說處及處智皆
名為所諦是故非境之境而為境非智之智而為智
亦名心寂三昧亦名色寂三昧亦是明心三昧亦是明
色三昧板八○若不依宗鏡中四念處行道說有智解
修行皆成外道所以云若無念慧一切行法皆非佛
法非行道入皆空剃頭如放牧者空著染衣如木頭
掛幡雖執瓶錫如病人乞具雖讀誦經書如盲人誦
賦雖復禮拜如碓上下雖復興造媒衒客作種樹易
貨沉淪生死如蠶自纏無解脫期捨身命財但得名
施非波羅蜜雖復持戒不免雞狗雖復精進精進無

秀媚雖復生禪如彼株杌雖復知解狂顛智慧常在此岸不到彼岸不降愛見不破取相不得入道品非賢聖位○問此平等法性一乘妙心一切衆生聲聞緣覺菩薩諸佛悉皆共稟云何於異生界等此一靈性念念處輪迴於聲聞乘同共一法中而不得此事荅如黃石中金以福德爐火因緣成就若大福人得金中福人得錄下福人得銅此亦如是凡夫人唯得煩惱無明聲聞人但證無常生滅唯佛菩薩究竟常樂涅槃大集經云如然燈器金則黃光銅則赤光其色雖異燈無差別

枕

○普賢行願品頌云智海廣難

量不測及增謗牛飲水成乳蛇飲水成毒智學成菩提愚學為生死如是不了知斯由少學過大涅槃經云或有服甘露傷命而早夭或有服甘露壽命得長存或有服毒生有緣服毒死無礙智甘露所謂大乘典如是大乘典亦名雜毒藥如酥醍醐等及以諸石蜜服消則為藥不消則為毒方等亦如是智者為甘露愚不知佛性服之則成毒

樹

○問既以真心為宗

為本如何辨其功能湛然常住盡未來際荅此心法妙故如神不可測無依無住非古非今只是有而不見聞非是一向空寂蘊無盡之妙用不斷不常具

莫測之靈通非隱非顯古德云因雖涅槃永寂而智
體不無不尔將何窮未來際故知此之心神凡聖之
本盡未來際無有斷絕諸佛常正念此法祖師唯的
指此宗斯乃無相之真真何有盡無為之道道何有
窮如幽谷之風相續而微聲不斷若洪鍾之響隨扣
而清韻常生禪○無生義云若無有妙神一向空寂
者則不應有佛出世說法度人故知本地有妙神不
空不斷乃至師子吼言佛性者名第一義空第一義
空名為智慧智慧即是妙神故云因滅是色獲得常
住解脫之色故知如中含妙色五蔭常住不動

第四十卷板○問有何勝義廣集一心正宗於末學
進修得疾入道不吝若以宗鏡示人直至道場疾證
菩提更無迂曲法華經偈云演唱實相義開闡一乘
法廣導諸衆生令速成菩提此是千聖入地之門
諸佛證真之路若有人者一入全真博地凡夫位齊
諸佛法華經云乘此寶乘直至道場可謂頓入頓超
諸乘匪及以三乘之人不知諸塵唯是識故執心外
實有境界凡夫二乘雖有發心趣向解脫而猶有生
死可厭涅槃可欣不了唯心道理若知一切法唯是
識量捨彼事識外計分別既了唯心趣理速疾異前

漸悟故論云速趣涅槃又云凡夫二乘不覺賴耶但依分別事識資持力故而發心修行以不達本故向大菩提踈而且遠故云漸也菩薩既了賴耶本識則依此識資持力故而發心修行以了本故向大菩提親而且近故云速也此宗鏡中開示大意唯論自心妙達何待他文為未薦者假以文言示令親悟纔闢便入目擊道存故止觀云直聞其言病即除愈

按 ○未入茲門觸途虛幻待真立俗對色名空纔證斯宗萬緣俱寂如異色之鳥投須弥而純變金光猶三十三天入雜林而更無分別是以諸法無體相待

而成皆無待而成待若執有法互相待成則不成待以有有體各定不假相待故中觀論傷云若法有待成未成云何待若成已有待成已何用待若法因待成是法先未成未成則無無則如何有因待若是法先已成已成何用因待是二俱不相因待是知未成已成俱無有待若悟入宗鏡之時了知虛空尚是幻生豈更有法可為對待是知一切諸法皆以實際為定量則無變異 **按** ○如經問何等是實智慧答曰無變異相如衆生無變異相真智慧亦無變異又問云何是衆生相答假名字畢竟離是衆生相如是相則

無變異乃至如虛空無變異相一切諸法亦無變異相云何無變異以無二故亦無無二方成真智但云無有二非是有無二如華嚴經偈云常於諸法不作二亦復不作於不二於二不二並皆離知其悉是語言道是知一切言語皆從覺觀而生纔有覺觀便形紋絲發萌芽於鏡上起朕兆於心中心境對治便爲質礙若入宗鏡自絕言思妙旨潛道了無所得又若一切修行趣佛乘人但先得旨之後方可以佛知見治諸餘習以正定水瑩淨禪支用多聞慧助生觀力乃至習誦熏修萬行嚴飾若未入宗鏡不了自心縱

多聞習誦俱不成就板五○如說海幢身分之上善見一念之中普賢毛孔之內盡十方方法界虛空界所有一切凡聖境界淨穢國土靡所不現可證宗鏡無外無法不舍如卷大海之波瀾收歸一滴猶撮十方之刹土指在一塵板○雖一切時演說開示而恒遠離妄想分別雖知諸法無作而能示現一切作業雖知諸佛無有二相而能顯示一切諸佛雖知無色而演說諸色第四十一卷板○一切法性皆離言故亦通四種法界皆不可說名無得物之功物無當名之實理本無言故事理交徹不可作事理說事事相

即不可作一多說如楞伽雖明五法名相妄想正智
如如五皆空寂何者謂迷如理以成名相妄想是生
悟名相之本如妄便稱智則無名相妄想唯如智矣
智因如立智體亦空如假智明本來常寂故並空矣
疏 ○夫入宗鏡法外亡言非智所知唯信所及如讚
般若傷云若人見般若論義心皆絕猶如日出時朝
露一時失故祖師云論即不義義即不論若欲論義
終非義論昔梁武帝於華林園重雲殿集四部衆自
講三慧般若經時傳大士在會太子遣問大士何不
論義答曰皇帝菩薩所說非長非短非廣非狹非有

邊非無邊如如正理復有何言劉中丞又問大士何
不徃復衆所願聞答曰日月停景四時和適又中天
竺有出家外道馬鳴世智辯才善通言論唱言若諸
比丘能興我論義者可打捷搥如其不能不足公鳴
捷搥受人供養時長老脇到彼國言但鳴捷搥說彼
來者吾自對之即鳴捷搥外道乃問今日何故打此
木耶答言北方有長老沙門來鳴捷搥外道問言欲
論義耶答曰然於是廣備論場大衆雲集乃至長老
脇言吾既年邁故從遠來又先在此坐理應先語外
道言亦可爾現所說吾盡當破長老脇即言當今天

下大平大王長壽國土豐樂無諸災患外道默然不
知所言論法無對即墮負處伏為弟子剃除鬚髮度
為沙彌受具足戒又有學人請忠國師和尚立義師
云立了也學人因措被師喝出非公境界故知若入
宗鏡玄鑑豁然如臨鏡中自見面像見即便見更俟
發言耶 **秘** ○問若如上所說道體自然則祖佛何煩
出世答教云不得一法疾與授祀祖師云不偈一法
号曰傳心了煩惱性空即佛出世故經云貪瞋癡出
即是佛出但今衆生絕凡聖之情無出沒之相閑居
靜處無所施為達斯法門是真佛出說如斯事是真

實慈 ○問既無心念木石何殊又絕見聞如何覺悟
答只為強覺妄知而能障道唯當脫粘內伏發自靈
知根塵既消光明頓發 **秘** ○今立第一心法能變識
有三一第八異熟識變二第七思量識變三第六了
別境識變既唯識變我法皆虛因此二空故契會玄
旨以我空故煩惱障斷以法空故所知障消煩惱障
斷故證真解脫所知障斷故獲大菩提然後行滿因
門心真果海則境識俱寂唯一真空 ○問從上宗乘
唯令絕學單刀直入教外別傳何假智慧多聞廣論
性相言繁理隱水動珠昏答顯宗破執權拂學路討

論達旨融通非離文字解脫法華經云若有利根智
慧明了多聞強識乃可爲說大凡參玄之士須具二
眼一已眼明宗二智眼辨惑所以禪宗云單明自己
不了目前如此之人只具一眼理孤事寡終不圓通
隻翼單輪豈能飛運若執只要單刀直入不用廣參
者則善財初見妙德發明之後不合遍參法界故知
初後心等理行同時所以善財至彌勒佛果圓後劫
指再見初友文殊如先德云文殊之妙智宛是初心
普賢之玄門曾無別體是則理事冥齊於一旨本末
非越於刹那曷乃守一疑諸頓迷法界捨此取彼宰

割虛空又若以智慧爲非則大智文殊不應稱法王
之子若以多聞是過則無聞比丘不合作地獄之人
應須以智慧合其多聞終不執詮而認指以多聞而
廣其智慧免成孤陋而面墻所以云有智無行國之
師有行無智國之用有智有行國之寶無智無行國
之賊是以智應須學行應須修闕智則爲道之離無
行乃國之賊當知名相閑鑠非智鑰而難開情想勾
牽匪慧刀而莫斷應須責已榮發進修是以履圓通
之人豈墮絕言之見發菩提之者不生斷滅之心若
能直了自心即是單刀直入最爲省要以一解千從

攝法無餘故亦是教外別傳離此別無奇特又此宗鏡大意以妙悟見諦為期不取依通齊文作解法既真實行須契同唯在心知不俟言說為未了者亦不絕言究竟相應終須親省此是十方諸佛同證同說古今不易一際法門如經云我不見有一佛國土其中如來不說此法是以佛佛道同心心理合故知離宗鏡外無法可說以凡有言教俱不出平等性故終無有二所以經云如大師子殺香象時皆盡其力殺兔亦亦不生輕想諸佛如來亦復如是為諸菩薩及一闍提演說法時功用無二仰惟聖旨鑒戒昭然豈

可於平等至教之中起差別解耶於一真衆生界中生勝劣見耶若入宗鏡之中自免斯咎今所錄者一皆古佛聖教於無量億劫捨無數身命普為一切衆生求此難得阿耨菩提法付囑諸大菩薩為末代求無上菩提之人千途異說共顯一心云何負恩不生信受板○善知識者難得遭逢譬如梵天投一芥子安下界針鋒之上猶易值明師道友得聞正法甚難如西天九十六種外道皆求出離因過邪師及沉生死是以涅槃經云具四因緣能證涅槃之道一者親近善友二者聽聞正法三者如理思惟四者如

說修行若不遇善友不得聞正法何者因聞正法則能思惟信入正念修行有如是法利應須慙重生難遭想

第四十二卷

○華嚴經因果同時者俱

無前後因果及同時情量繫著妄想有無俱不俱常不常等繫著因果但了法體非所施設非因果繫名為因果非情所立同時前後之妄想也
○華嚴經中無有假法諸法惣真純真無假更無相似存真存假經云衆生界即佛界也如文殊以理會行普賢以行會理二人體用相徹以成一真法界前後相收品品之中互相該攝前後相徹文義更收一法門中具

多法也是故經偈云於多法中為一法於一法中為衆多然此心是法界之都無法不攝非但凡聖因果乃至逆順善惡同歸若一一悟是自心則事事無非正理如經云提婆達多不可思議所修行業皆同如來六群比丘實非弊惡所行之法皆同佛行有修善者地獄受果惡行之人天上受報如不達斯文則逆順分岐焉能義惡同化然初章之內已述正宗若上上機人則一聞千悟斯皆宿習見解生知若是中下之根須憑開導因他助發方悟圓成為此因緣微細纂集所以云若有一微塵處未了此猶有無明在以

不了處爲障翳故何況自身根門之內日用之中有無量應急法門全未明一如生盲人每日喫一百味飯雖然得喫品饌何分若言無分又每日得喫若言有分說問揔不知若欲爲未了之人憑何剖拚只成自誑及隨無知自眼未開焉治他目是以善財首見文殊已明根本智入聖智流中然後遍叅道友爲求差別智習菩薩行門遇無狀足國王如幻法門見勝熱婆羅門無盡輪解脫尚乃迷宗失旨對境茫然故知佛法玄微非淺智所及何乃將蚊子足擬窮滄溟之底用蜘蛛絲欲懸妙高之山益抱慚顏須申懺悔

校 ○問依上標宗甚諧正脉何用更引言詮廣開諸道答馬鳴祖師雖標唯心一法開出真如生滅二門達磨直指一心建立隨緣無礙四行詳夫宗本無異因人得名故云祖師頓悟直入名禪宗諸佛果德根本名佛性菩薩萬行原穴名心地衆生輪起慶名廻識藏萬法所依名法性能生般若名智海不可定一執多生諸情見是以金光明經云法性甚深無量無量者非別有一法名爲無量毗盧遮那遍一切處一切諸法皆是佛法甚深者非別有一法名爲甚深即事而真無非實相可謂一中之多當存而正泯多中

之一在卷而亦舒**板**。○經云縱此心者喪人善事制之一處無事不辨是故比丘當勤精進折伏汝心故知生死難出應須競慎且如二乘聖人及自在菩薩俱出三界之外尚有變易之身四種生死何況三界之內現行煩惱業繫凡夫分段死乎四種生死者則是一切阿羅漢辟支佛大地菩薩由四種障不得如來四德一方便生死二因緣生死三有有生死四無有生死無上依經云佛告阿漢於三界中有四種難一者煩惱難二者業難三者生報難四者過失難無明住地所起方便生死如三界內煩惱難無明住地

所起因緣生死如三界內業難無明住地所起有有生死如三界內生報難無明住地所起無有生死如三界內過失難應如是知阿難四種生死未除滅故三種意生身無有常樂我淨波羅蜜果唯佛法身是常是樂是我是淨波羅蜜汝等應知愛別離苦者大涅槃經云因愛生憂因愛生怖若離於愛何憂何怖法華經云諸苦所因貪欲爲本淨名經云從癡有愛則我病生怨憎會苦者大涅槃經云觀於五道一切受生悉是怨憎會大苦若未了無生於所生之處無非是怨無非是苦何者為境所縛不得自在故求

不得苦者有其二種一者所希望處求不能得二者多役功力不得果報五盛蔭苦者生苦老苦病苦死苦愛別離苦怨憎會苦求不得苦是名爲五盛蔭苦以執蔭是有爲蔭所籠便成蔭魔衆苦所集

五濁者一劫濁四濁增劇聚在此時瞋恚增劇力兵起貪欲增劇飢餓起愚癡增劇疾疫起三災起故煩惱倍隆諸見轉熾籠弊色心惡名穢稱摧年滅壽衆濁交溱如水奔昏風波鼓怒魚龍攪撓無一慄賴時使之然如劫初光音天墮地地使有欲如忉利天入鹿溢園園生闍心是名劫濁相○煩惱濁者貪海納

流未曾飽足瞋虺吸毒燒諸世間癡闇頑嚚過於漆墨慢高下視陵忽無度疑網無信不可告實是爲煩惱濁相○見濁者無人謂有人有道謂無道十六知見六十二見等猶如羅網又似稠林纏縛屈曲不能得出是見濁相○衆生濁者攬於色心立一主宰譬如鰲膠無物不著流浪六道處處受生如貧如瘞名長名富是爲衆生濁相○命濁相者朝生暮殞晝出夕沒波轉煙迴駒息不住是命濁相居此濁亂之時遮障增劇境飄識焰燒盡善根業動心風吹殘白法著瞋瞋魅之鬼趣墮癡羅刹之網中爲貪愛王之拘

留被魔怨主之駭役孰能頓省働此圓修施○首楞嚴經云如第四禪無聞比丘妄言證聖天報已畢衰相現前謗阿羅漢身遭後有墮阿鼻獄又云善星比丘妄說一切法空生身陷入阿鼻地獄故知若未入宗鏡先悟實相真心假饒大辯神通長劫禪誦終不免斯咎若達此旨凡所施爲舉足下足自然不離一心涅槃之道○如月上女經云舍利弗告月上女言汝於今者欲阿所去月上女報言汝問今欲向何所去者我今亦如舍利弗去作如是去耳舍利弗報月上女言我今欲入毗耶離城汝於今者乃從彼出云

何報言我今乃如舍利弗去作如是去尔時月上復報舍利弗言然舍利弗舉足下足凡依何處舍利弗言我舉足下足並依虛空女言我亦如是舉足下足悉依虛空而虛空界不作分別是故我言亦如舍利弗去作如是去耳女言舍利弗此事且然今舍利弗行何行舍利弗言我向涅槃如是行也月上女言舍利弗一切諸法豈不向涅槃行也我今者亦向涅槃行也舍利弗問月上若一切法向涅槃者汝今云何不滅度月上女言舍利弗若向涅槃即不滅度何以故其涅槃行不生不滅不可得見體無分別無可滅

度者釋曰其涅槃行不生不滅者即自心無生之義
縱千途出沒匪離涅槃之門任萬法縱橫豈越無生
之道故法華經偈云佛子住此地即是佛受用常在
於其中經行及坐卧 **第四十三卷** **板** ○大涅槃經
云復次菩薩修於死想觀是壽命常為無量怨讎所
遠念念損減無有增長猶山瀑水不得停住亦如朝
露勢不久停如囚趨市步步近死如牽羊詣於屠所
迦葉菩薩言世尊云何智者觀念念滅善男子譬如
四人皆善射術聚在一處各射一方俱作是念我等
四箭俱發俱墮復有一人作是念言如是四箭及其

未墮我能一時以手接取善男子如是之人可說疾
不迦葉菩薩言如是世尊佛言善男子地行鬼疾復
速是人有飛行鬼復復地行四天王疾復速飛行日
月神天速速四天王堅疾天復速日月衆生壽命復
速堅疾善男子一息一朏衆生壽命四百生滅智者
若能觀命如是是名能觀念念滅也善男子智者觀
命繫屬死王我若能離如是死王則得求斷無常壽
命 **板** ○楞伽經云心外見法名爲外道若悟自心即
是涅槃離生死故論云心外有法生死輪迴若了一
心生死永絕若悟自心即是實相離虛妄故法華經

云唯此一事實餘二則非真若悟自心即是智城離
愚癡故**疏**○華嚴論云大光王入菩薩大慈爲首三
昧顯所行慈心業用饒益自在令後學者做之以明
無依之智入一切衆生心與之同體無有別性有情
無情皆悉同體入此三昧所感業故令一切衆生及
以樹林湧泉悉皆歸流悉皆依枝悉皆稽首夜叉羅
刹悉皆息惡以明智隨一切衆生皆與同其業用一
性無二如世間帝王有慈悲於人龍神順伏鳳集麟
翔何況人焉而不歸仰况此大光王智徹真原行齊
法界慈心爲首神會含靈與衆物而同光爲萬有之

根本如摩尼寶與物同色而本色不違如聖智無心
以物心爲心而物無違也明同體大慈悲心與物同
用對現色身而令發明故山原及諸草樹無不回轉
向王禮敬陂池泉井及以河海悉皆騰溢注王前者
以智境大慈法合如此若衆生情識所變之境即衆
生不能爲之如蓮華藏世界中境界盡作佛事以是
智境非情所爲故聖者以智歸情令有情衆生報得
無情草木山泉河海悉皆隨智回轉以末爲本故如
世間有志孝於心水池湧魚冬竹抽笋尚自如斯况
眞智從慈者歟故知得法界之妙用用何有盡從眞

性中緣起起無不妙則理無不事佛法即世法豈可
揀是除非耶事無不理母法即佛法寧須斥俗崇真
耶但是未入宗鏡境智未亡興夢念而異法現前發
燄想而殊途文應致茲取捨違背圓常所以不能喧
靜同觀善惡俱化者未聞宗鏡故耳檀○十地菩薩
座體但言滿三千大千世界之量普賢座量量等虛
空一切法界大蓮華藏故明知十地菩薩智量猶隔
以此來際此座如許乖宜入出如許不可說三昧之
門猶有寂用有限障未得十地果位後普賢菩薩大
自在故故三求普賢三重昇進却生想念方始現身

及說十三昧境界之事意責彼十地猶有求於出世
間生死境界未得等於十方任用自在以此如來教
令却生想念去彼十地中染習出世淨心故此明十
地緣真俗出世餘習氣惑故已上意明治十地菩薩
緣真俗二習未忘寂亂二習未盡於諸三昧有出入
習故未得常入生死猶如虛空無作者而常普遍非
限量所收第四十四卷○忠國師臨終之時
學人乞師一言師云教有明文依而行之即無累矣
吾何言哉如斯慙懃真實付囑豈局已見生上慢心
終不妄介如來無上甘露不可思議大悲所薰金口

所宜難思聖教如云依向行之者且依何旨趣不可
 是依文字語句而行不可是依義路道理而行直須
 親悟其宗不可輒生孟浪若決定信入者了了自知
 何須他說聞甚深法如清風扇耳 **疏** ○但隨生
 滅之緣遺此妙明之性是以一切祖教皆指見性識
 心不從生因之所生唯從了因之所了相鹿易辨性
 蜜難明隨轉處而莫知在照時而方了如今不見者
 皆被三惑心牽六塵境換不知境元是我翻成主被
 客迷但能隨流得性之時自然無惑復有云般若唯
 以心神契會以心傳心方成密付 **疏** ○經云我正夢

時惑此春音將為鼓響阿難是人夢中豈憶靜搖開
 閉通塞其形雖寐聞性不昏縱汝形銷命光遷謝此
 性云何為汝消滅故知不認自體恒常之聞性却徇
 聲塵生滅之聞相遂乃聞贊而生喜聞毀而起瞋以
 迷本聞故隨聲流轉 **疏** ○經云生滅既滅寂滅現前
 忽然超越出出世間十方圓明獲二殊勝一者上合
 十方諸佛本妙覺心與佛如來同一慈力二者下合
 十方一切六道衆生與諸衆生同一悲仰是心初從
 聞性入時先亡動靜聲塵之境次亡能聞所聞之心
 既心境俱亡又不住無心境及能覺所覺之智則覺

智俱空此空亦空方成圓覺故云空覺極圓空所空滅始盡生滅之原到寂滅本妙覺心之地板○若不觀心內證法師律師禪師各有十種過患如像法決疑經云三師破壞佛法略各有十過法師十過者一但外求文解而不內觀修心釋論云有論而無意所說不應受二不融經意息爭趣道但執已非他我慢自高不識見心苦集三不遵遺囑不依念處修道不依木叉而住非佛弟子四非禪不慧偏慧不禪一起一輪豈能遠運五法本無說說破貪求名利弘宣寧會聖旨六貴耳入口出何利於已經云如人數他寶

自無半錢分無行而宜利於他七設證得法不過義解意根卜度非解脫道非究竟法八又多加水乳無道之教教誤後生九四衆失真法利轉就澆漓十非但不能光顯佛法亦乃破於佛法也○禪師十過者一經云假名阿練若納衣在空閑自謂行真道好說我等過二者恃行陵他不識戒取苦集煩惱三無慧修定盲禪無目寧出生死耶四不遵遺囑不依念處修道不依木叉而住非佛弟子五無慧之禪多發鬼定生破壞佛法死墮鬼道六名利坐禪如扇提羅死墮地獄七設證得禪即墮長壽天難八加水乳禪

教授學徒紹三塗種子九四衆不露真法之潤轉就
澆漓十非止不能光顯三寶亦乃破佛法也○律師
十過者一但執外律不識內戒故被淨名訶二執律
多相諍計是非不識見心苦集三然戒定慧相資方
能進道但律不慧不禪何能進道四弘在名譽志不
存道果在三塗五不遵遺囑不依念處修道不依木
叉而住六執律方便小教以爲正理而障大道七師
師執律不同弘則多加水乳八不依聖教傳授誤累
後生九四衆不露真法轉就澆漓十非止不能光顯
三寶亦乃破佛法也是知若不觀心具如上之大失

第四十五卷

校四

○前據台教明五百番安心法門皆

爲逗機對病施藥今依祖教更有一門最爲省要所
爲無心何者若有心則不安無心則自藥故先德偈
云莫與心爲伴無心心自安若將心作伴動即被心
謾校五○大寶積經佛言文殊汝入不思議三昧耶文
殊師利言不也世尊我即不思議不見有心能思議
者云何而言入不思議三昧我初發心欲入是定而
今思惟實無心相而入三昧如人學射久習則巧後
雖無心以久習故箭發皆中我亦如是初覺不思議
三昧繫心一緣若久習成就更無心想恒與定俱

松 ○問本自無心妄依何起答為不了本自無心名妄若知本自無心則妄無所起真無所得○問何故有心即妄無心即無妄答以法界性空寂為主宰故有心即有主宰有主宰即有分割無心即無主宰無主宰即無分割無分割即無生死○問無心者為當離心是無心即心得無心答曰即心得無心問即三是有心云何得無心答不壞心相而無分別○問豈不辨知也答即辨知無能所是無心也豈渾無用始是無心譬如明鏡照物豈有心耶當知一切衆生恒自無心心體本來常寂寂而常用用而常寂隨境鑒

辯皆是實性自尔非是有心方始用也只為衆生不了自心常寂妄計有心心便成境以即心無心故心恒是理即理無理故理恒是心故不動心相心恒是理故不得心相不得心相故即是衆生不生不動心相故即是佛亦不生以生佛俱不生故即凡聖常自平等法界性也純一道清淨更無異法當知但有心分別作解之處俱是虛妄猶如夢中若未全覺所見纖毫亦猶是夢中事但得無心即同覺後絕諸境界但有一微塵可作修證不思議解處俱不離三界夢中所見經云無有少法可得佛即授記 **松** ○又且無

心者不得作有無情見之解若將心作無此即成有若一切處無心如土木瓦礫此成斷滅皆屬意根強知妄識邊事是以稱不思議定者以有無情見不及故又澄湛是事當體是理事有顯理之功亦有覆理之義理有成事之力亦有棄事之能各取則兩傷並觀則俱是何謂顯理若妙性未發須假事行助顯莊嚴如水澄清魚石自現何謂成事若功行未圓必伏理觀引發開導何謂覆理若一向執事坐禪返迷已眼未識玄旨徒勞念靜何謂棄事若大真頓朗如日消冰何須調心收攝伏捺故經偈云若學諸三昧是

動非是禪心隨境界流云何名爲定 問旣不得作有無之解如何是正了無心 荅石虎山前闢蘆華水底沉頌 ○若不先軫候察其病原何以依方施其妙藥只如淨名居士位臨等覺尚有原品無明實因疾未盡現受後有生死實果疾猶存如淨名疏問實報無障礙土何得猶有煩惱四分之緣疾 荅開菩薩自體法界緣集即有四分所以然者取自體一實諦即是貪愛捨二邊生死即是瞋斷迷一實諦無明未盡故猶有癡也三分等取即是等分此即是根本之三毒故請觀音經云淨於三毒根成佛道無疑何況業

繫凡夫分段生死之病然今時多不就已子細推尋
及廣披聖典教觀俱昧理行全虧唯尚隨語依通一
時遣蕩拂迹而迹不泯歸空而空不亡以不出法塵
全爲影事校 華嚴經云佛子譬如金師善巧鍊金
數數入火轉轉明淨調柔成就隨意堪用菩薩亦復
如是供養諸佛教化衆生皆爲修行清淨地法所有
善根悉以迴向一切智地轉轉明淨調柔成就隨意
堪用然雖萬行磨鍊皆是自法所行如先德云一切
佛事無邊化門皆依自法融轉而行即自心中有真
如體大今日體解引出法身由心中有真如相大今

日了達引出報身由身中有真如用大今日修行引
出化身乃至十波羅蜜一切塵沙萬行但是自心中
引出未曾心外得一法行一行若言更有從外新得
者即是魔王外道說 第四十六卷校 ○易云寂
然不動感而遂通天下之故禮云人生而靜天之性
也感物而動性之欲也後儒皆以言詞小同不觀前
後本所建立致欲渾和三教但見言有小同豈知義
有大異是知不入止宗焉知言同意別未明已眼寧
鑑名異體同所以徇語者迷據文者惑恐衆大盲故
銀示之且如外道說自然以爲至道不成方便仍壞

正因佛教亦說自然雖成正教猶是悉檀對治未為
究竟以此一例其餘可知疏略標一百二十種見
解並是迷宗失旨背湛垂真捏目生華迷頭認影若
敲氷而索火如緣木以求魚畏影逃空捫風捉電苦
非甘種硃豈飯因皆不能以法性融通一言和會盡
迷方便悉入見纏不達正宗皆投見網綿密難出如
曲木曳於稠林勢猛力强猶濬河漂於香象所以天
魔外道本無其種修行失念遂派其原故知但有所
重斷依立知立解絲毫見處不亡皆成外道如華嚴
經頌云以法無性故無有能了知如是解諸法究竟

無所解以法無自體憑何作解如辯兔角之大小了
龜毛之短長理事俱虛可取笑於天下情塵有隔實
喪道於目前如華嚴論云見在即凡情亡即佛祖師
云不用求真唯須息見疏○佛藏經云佛言舍利弗
諸佛阿耨多羅三藐三菩提唯是一義所謂離也何
等爲離離諸欲諸見欲者即是無明見者即是憶念
何以故一切諸法憶念爲本所有念想即為是見見
即是邪是以若能離見即成諸佛十方稽首萬類歸
依如中觀論云瞿曇大聖主怜愍說是法悉斷一切
見我今稽首禮疏○若究竟欲免斷常邊邪之見須

明華嚴六相義門則能任法施爲自亡能所隨緣動
寂不壞有無具大揔持究竟無過矣此六相義是辨
世間法自在無礙正顯緣起無分別理若善見者得
智揔持門不墮諸見不可廢一取一雙立雙亡雖揔
同時繁興不有縱各具別真寂非無不可以有心知
不可以無心會詳法界內無惣別之文就果海中絕
成壞之旨今依因門智照古德略以喻明六相義者
一揔相二別相三同相四異相五成相六壞相揔相
者譬如一舍是揔相椽等是別相椽等諸緣和同作
舍各不相違非作餘物故名同相椽等諸緣遞互相

望一一不同名異相椽等諸緣一多相成名成相椽
等諸緣各自住法本不作故名壞相

第四十八卷 **樹**

問佛種從緣起者即是熏習義約

法報化三身中是何佛種從緣起答是報身佛由熏
成故以智爲種法身是無爲斷惑所顯不從種子生
以法報具足能起化現即化身是法報之用唯報佛
性即是一切衆生聞熏種子且如世間甘露葉上霧
露潤濕滴入土中一滴成一連珠又更濕潤生長芽
莖報佛性亦尔我等第六識見分及耳識見分如同
甘露葉如來大乘教法如似霧露耳識第六識熏得

大乘種子似潤濕落在第八識中如入土中生得連
珠後數資熏至成自受用報身佛更遇濕潤生起芽
莖故知佛種全自薰成初學之人爭不伏於聞法之
力且衆生雖有正性因須假緣因發起

第四十九卷

板二

○問此第八識有幾種執受答有二

種攝論云一切種子心識成熟展轉和合增長廣大
依二執受一者有色諸根及所依執受二者相名分
別言說戲論習氣執受**板六** 金剛經云如來說一合
相即非一合相以從緣合即無性故無性之性是所
證理如是知者是正智生是自相處轉名真現量又

拂能所證迹爲真現量謂若有如外之智與如合者
猶有所得非真實證能所兩亡方爲真現唯識論云
若時於所緣智都無所得爾時住唯識離二取相故
經云亦無如外智能證於如乃是爲真現量也是以
諸佛施爲悉皆現量如守護國界主陀羅尼經云如
來悉知彼諸衆生出息入息種種飲食種種資具種
種相見種種根器種種行解種種心性死此生彼剎
那流注生滅相續如來悉知如是一切現量所得非
比量知云何現量謂不動念如實即名非流注心入
於過去如是知時智慧具足隨衆生心種種說法

○問阿賴耶識若常則無轉變若斷則無相續如何會通得合正理答不一不異非斷非常方契因緣唯識正理問此識既云恒轉如流定有生滅去來不答此識不守自性隨緣變時似有流轉而實無生滅亦非去來如湛水起漚漚全是水華生空界華全是空識性未嘗去來虛空何曾生滅如馬祖大師云若此生所經行之處及自家田宅處所父母兄弟等舉心見者此心本來不去莫道見彼事則言心去心性本無來去亦無起滅所經行處及自家父母眷屬等今所見者由昔時見故皆是第八含藏識中憶持

在心非今心去亦名種子識亦名含藏識貯積昔所見者識性虛通念念自見名巡舊識亦名流注生死此念念自離不用斷滅若滅此心若斷佛種性此心本是真如之體甚深如來藏而與七識俱傳大士云心性無來亦無去緣慮流轉實無停又心無處所故云無停心體實無來去昔所行處了了知見性自虛通體無去住不用除滅此心若識此心本是佛體不須怕今有不識心人將此爲妄終日除滅亦不可得滅縱令得滅證聲聞果亦非究竟只如過去諸佛怕沙劫事見如今日真如之性靈通自在無方不

可同無情物佛性是生氣物不可兀爾無知但無心
量種種施爲如幻如化如機關木人畢竟無有心量
於一切處無執繫無住著無所求於一切時中更無
一法可得 **第五十卷板** 夫此第八識爲定是
眞是假答是眞是假不可定執首楞嚴經云陀那微
細識習氣成瀑流眞非眞恐迷我常不開演釋曰梵
語阿陀那者此云執持識此識體淨被無明熏習水
乳難分唯佛能了以不覺妄染故則爲習氣變起前
之七識瀑流波浪鼓成生死海若大覺頓了故則爲
無漏淨識執持不斷盡未來際作大佛事能成智慧

海眞非眞恐迷者佛意我若一向說眞則衆生不復
進修墮增上慢以不染而染非無客塵垢故又外道
執此識爲我若言即是佛性眞我則扶其邪執有濫
眞修我若一向說不眞則衆生又於自身撥無生斷
見故無成佛之期是以對凡夫二乘前不定開演恐
生迷倒不達如來蜜旨以此根本識微細難知故
板 ○問受生命終旣依本識生時死時復住何心答
夫論生滅之事必住散動之心經云有念即魔網不
動即法印魔網立生死之道法印成涅槃之門故知
散亂寂靜二途皆依本識而有 **板** ○增一含云卅尊

告阿那律曰一切諸法由食而住在眼以色為食耳以聲為食鼻以香為食舌以味為食身以細滑為食意以法為食涅槃以無放逸為食爾時佛告諸比丘如此妙法夫飲食有九事人間有四食一段食二更樂食三念食四識食復有五種是出世間食一禪食二願食三念食四八解脫食五喜食是出世間之食當共專念捨除四種之食求辨出世之食所以維摩經云迦葉住平等法應次行乞食為不食故應行乞食為壞和合相應取掉食為不受故應受彼食斯皆是破五蔭法成涅槃食

栳

○阿陀那此云執持識能

執持種子根身生相續義即是果趣生義此通一切位執持有三一執持根身令不爛壞二執持種子令不散失三執取結生相續者即有情於中有身臨末位第八識初一念受生時有執取結生相續義結者繫也屬也於母腹中一念受生便繫屬彼故亦如磁毛石吸鐵鐵如父母精血二點第八識如磁毛石一剎那間便攬而住同時根塵等種從自識中亦生現行名為執取結生故在胎五位者初七日內名雜穢狀如薄酪父精母血相和名雜自體不淨名穢二七日內名醎猶如豌豆瘡醎之形表裏如酪未生肉故

三七日內名凝結謂稍凝結形如就了血四七日內名凝原漸次堅硬五七日內名形位內風所吹生諸根形一身四肢生差別故用此三十五日盡其五根皆足六七日內名髮毛爪齒位七七日內名具根位以五根圓滿漸次生識即未具空明等緣或名種子識問此識與心義何別答種子與心義別即取第八識現行亦名種子故但是種能生現行故名種子識此識現行能起前七識即有能生法種功能義邊第八識名種子識前言心者但是積習習起義名心又第八識而隨義別立種種名

校 ○九識中揔分四段每識別立十名 ○一第六識十名者一對根得名名爲六識二能籌量是非名爲意識三能應涉塵境名攀緣識四能遍緣五塵名巡舊識五念念流散名波浪識六能辨前境名分別事識七所在壞他名人我識八愛業牽生名四住識九令正解不生名煩惱障識十感報終盡心境兩別名分段死識 ○二第七識十名者一六後得稱名爲七識二根塵不會名爲轉識三不覺習氣忽然念起名妄想識四無間生滅名相續識五障理不明名無明識六返迷從正能斷四生煩惱名爲解識七與涉玄

途順理生善名為行識八解三界生死盡是我心更無外法名無畏識九照了分明如鏡顯像名為現識十法既妄起恃智為壞令真性不顯名智障識○三第八識十名者一七後得稱名為八識二真偽雜間名為和合識三蘊積諸法名為藏識四住持起發名熏變識五轉凡成聖名為出生識六藏體無斷名金剛智識七體非靜亂名寂滅識八中實非假名為體識九藏躰非迷名本覺識十功德圓滿名一切種智識○四第九識十名者一自體非偽名為真識二體非有無名無相識三軌用不改名法性識四真覺常

存體非隱顯名佛性真識五性絕虛假名實際識六大用無方名法身識七隨流不染名自性清淨識八阿摩羅識此翻名無垢識九體非一異名真如識十勝妙絕待号不可名目識極○一法應機乃立異号如天帝釋千名名雖不同終是目於天主豈有聞異名故而言非實相理如人供養帝釋毀橋尸迦供養橋尸迦毀於帝釋如此供養未必得福末代弘法者亦亦或信賴耶自性清淨心而毀畢竟空或信畢竟空無所有毀賴耶識自性淨淨心或言般若明實相法華明一乘皆非佛性此之求福豈不慮禍若知名

異躰一則隨喜之善遍於法界何所諍乎又諸經內
逗緣稱機更有多名隨處安立以廣大義無邊目之
爲海以圓明理顯稱之曰珠以萬法所宗号之曰王
以能生一切名之曰母但是無義之真義多亦不多
無心之真心一亦不一故華嚴私記云取決斷義以
智言之取能生長以地言之取其高顯以山言之取
其深廣以海言之取其圓淨以珠言之
第五十一卷 **樹** ○問今談宗顯性云何廣引三支比
量之文答諸佛說法尚依俗諦况三支比量理貫五
明以破立爲宗言生智了爲躰摧凡小之異執定佛

法之綱宗所以教無智而不圓木非繩而靡直比之
可以生誠信伏邪倒之疑心量之可以定真詮杜狂
愚之妄說故得正法之輪永轉唯識之旨廣行則事
有顯理之功言有定邦之力如慈恩大師云因明論
者元唯佛說文廣義散備在衆經
第五十二卷 **板** ○問末那心所何性所攝論答云此
意相應四煩惱等是染法故障礙聖道隱蔽真心說
名有覆非善不善故名無記若已轉依唯是善性密
嚴經偈云末那緣藏識如磁石吸鐵如虵有二頭各
別爲其業染意亦如是執取阿賴耶能爲我事業增

長於我所復與意識俱為因而轉謝於身生煖觸運
動作諸業飲食與衣裳隨物而受用騰躍或歌舞種
種自嬉遊持諸有情身皆由意功力如火輪垂髮乾
闍婆之城不了唯自心妄起諸分別身相器世間如
動鞦韆勢無力不堅固分別亦復然分別無所依但
行於自鏡譬如鏡中像識種動而見愚夫此迷惑非
諸明智者仁主應當知此三皆識現於斯遠離處是
即圓成實初○問若無末那有何等過答若無第七
則無凡可厭無聖可欣凡聖不成染淨俱失論云是
故定應別有此意又契經說無想有情一期生中心

心所滅若無此識彼應無染謂彼長時無六轉識若
無此意我執便無乃至故應別有染汗末那於無想
天恒起我執由斯賢聖同呵厭彼又契經說異生善
染無記心時恒帶我執若無此識彼不應有謂異生
類三性心時雖外起諸業而內恒執我內執我故令
六識中所起施等不能亡相故瑜伽說染污末那為
識依止彼未滅時相了別縛不得解脫末那滅已相
縛解脫言相縛者謂於境相不能了達如幻事等由
斯見分相分所拘不得自在故名相縛依如是義有
伽陀言如是染污意是識之所依此意未滅時識縛

終不脫釋云於無想天恒起我執由斯賢聖同呵狀
彼者有第七於彼起我執是異生故出定已後復沉
生死起諸煩惱聖賢呵彼若無第七不應呵彼無過
失果猶執我故今六識中所起施等不能亡想者此
我外緣行相麓動非第七起由第七故第六起此全
由七生增明為論第六識中我執體有間斷通三性
心間雜生故第七不緣外境生故已上略錄第七末
那諸教同詮群賢共釋創入道者此意須明是起凡
聖之因宜窮體性乃立解惑之本可究根原迷之則
為人法執之愚悟之則成平等性之智於諸識內獨

得意名向有漏中作無明主不間不斷無想定治而
不消常審常恒四空天避而還起雖有覆而無記不
外執而內緣常起現行能蔽真而障道唯稱不共但
成染而潤生是以欲透塵勞須知要徑將施妙藥先
候病源若細意推尋真心體察則何塵而不出何病
而不消斷惑之門斯為要矣

第五十四卷

板

○密嚴經偈云是時金剛藏復告大

衆言賴耶無始來為戲論熏習諸業所繫縛輪轉無
有窮亦如於大海因風起波浪恒生亦恒滅不斷亦
不常由不悟自心隨識境界現若了於自心如火焚

薪盡通達於無漏則若爲聖人藏識變衆境彌綸於
世間意執我我所思量恒流轉諸識類差別各各了
自境積習業爲心遍積習名意了別名爲識五識取
現境如翳見毛輪隨見而迷惑於似色心中非色計
於色譬如摩尼珠日月光所照隨其所應現各兩自
類物阿賴耶亦亦如來清淨藏和合於習氣變現周
世間與無漏相應兩諸功德法譬如乳變其成酪至
酪漿藏識亦如是變似於衆色如翳見毛輪有情亦
復爾以惡習氣翳住藏識眼中於諸非色處此所見
諸色猶如於陽燄遠離於有無皆賴耶所現仁者依

眼色而生似色識如幻住眼中飄動猶熱燄色皆是
藏識與色習相應變似體非有愚夫妄分別諸昏醉
放逸坐卧及狂走頓起諸事業皆是賴耶識猶如盛
赫日舒光照於地蒸氣如水流渴獸望之走賴耶亦
復爾體性實非色而似於色現惡覺妄生著如磁石
吸鐵迅速而移轉雖無於情識似情識而動如是賴
耶識為生死所攝往來於諸趣非我而似我如海中
漂物無思隨流水賴耶無分別依身而運動譬如二
象聞被傷者永退賴耶亦如是斷染無流轉譬如淨
蓮華離泥而皎潔人天皆受用莫不咸珍敬如是賴

耶識出於習氣轉依得清淨佛菩薩所重譬如殊勝
寶野人所輕賤若用飾冕旒則爲王頂戴如是賴耶
識是清淨佛性凡位恒雜染佛果常寶持如美玉在
水苔衣所纏覆賴耶處生死習氣縈不現於此賴耶
識有二取相生如蛇有二頭隨樂而同往賴耶亦如
是與諸色相具一切諸世間取之以爲色惡覺者迷
惑計爲我我所若有若非自在作世間有賴耶雖變
現體性恒甚深於諸無智人悉不能覺了譬如於幻
師幻作種種獸或行而或走似有情非實賴耶亦如
是幻作於世間一切諸有情體性無真實凡愚不能

了妄生於取著起微塵勝性有無異分別及與於梵
天丈夫等諸見 又識之於眼乍出乍入如鹿在
網猶鳥處籠啄二捨一周而復始無暫休息識在根
籠亦復如是或在於耳或在於眼來去無定不可執
常雖復無定相續不斷何爲不斷以妙用無間故若
凡夫爲色塵所縛不得自在若見一法則被一法礙
不能圓通法界是以金剛經云若菩薩心住於法而
行布施如人入暗則無所見首楞嚴經云由塵發知
因根有相相見無性猶若文蘆由塵發知者即見分
因根有相者即相分相見無性者心境互生各無自

體心不自立由塵發知境不自生因根有相二虛相
倚猶若交蘆知見立知即無明本知見無見斯即涅
槃但了了見無可見見無可見即通法界見即是涅槃
若了了聞點可聞無可聞即通法界聞即是涅槃一
切諸法本來涅槃以分別心妄見所隔不知自識翻
作無明校五○還原集自他觀門云兩身為自他彼身
為他已身為自一身復為自他色身為他心即為自
心復為自他心即為他智即為自智復有自他有所
得智為他無所得智為自無所得智復有自他淨智
為他是淨亦淨為自觀身實相觀佛亦然稽首如空

無所依心淨已度諸禪定無住則無本覺此名為佛
假名名為佛亦無佛可成無成可成無出可出是名
佛出無所見了了見了了見無所見但有名字名字
性空無所有鏡像如虛空虛空如鏡像色心如虛空
虛空如色心色心如鏡像鏡像身無二亦復非是一
若能如是解諸佛從中出諸佛為有名如空應響聲
無心究竟道法法自然平平處亦無平無平作平說
此中言語斷心行處亦滅眼空保色空空保眼空
兩空自相保則無眼識賊耳空保聲空聲空保耳空
兩空自相保則無耳識賊鼻空保香空空保鼻空

兩空自相保則無鼻識賊舌空保味空味空保舌空
兩空自相保則無舌識賊自空保觸空觸空保身空
兩空自相保則無身識賊心空保法空法空保心空
還是一空能保二空亦能保一空是故号空空假名
說見諦若知六根淨即無六塵賊若無六塵賊心王
自清淨方便持化凡題名号佛性釋曰是以若眼空
色不空色空眼不空則不可相保以根境異故必為
侵害若同一性即無疑矣如世間作保之人若是忠
良人即可忠良人作保若是惡行人則不可保以情
性異故六種根塵和合既爾一切萬法順旨亦然故

首楞嚴經云佛告阿難根塵同原縛脫無二識性虛
妄猶如空華椀○夫宗鏡所錄皆是現證法門一入
全真更無前後如或不信但靜思看若見一念無生
自然與經冥合如菩薩念佛三昧經偈云此身常無
知如草木瓦礫菩提無形色寂滅相不生身不觸菩
提菩提不觸身心不觸菩提菩提不觸心而能有相
觸實謂不思議釋曰故知色不至眼耳不到聲而有
見聞是不可思議以自性離中而有顯現故知六根
無對皆是無諍法門諸境含虛盡冥不二之道即今
衆生境界真不可思議矣曷用遠求諸聖作用而自

鄙劣者哉此宗鏡是照衆生之癡闇同諸佛之光明使法界含生一時圓證如法集經云須菩提白佛言世尊眼色二法無所諍競以不和合故以此二法不相到故夫不合不到法皆無違諍世尊法無有二是故不諍椀○佛母經云阿姉眼不見色乃至意不知法如是菩提離故眼色離乃至菩提離故意法離等入楞伽經偈云如水流枯竭波浪則不起如是意識滅種種識不生又偈云此中無心識如虛空陽燄如是知諸法而不知一法究竟一乘○寶性論偈云如一切世間依虛空生滅依於無漏界有諸根生滅火

不燒虛空若燒無是處如是老病死不能燒佛性地依於水住水復依於風風依於虛空空不依地等如是蔭界根住煩惱業中諸煩惱業等住不善思惟不善思惟行住清淨心中自性清淨心不住彼諸法蔭入界如地煩惱業如水不正念如風淨心界如空依性起邪念念起煩惱業能起蔭界入依止於五蔭界入等諸法有諸根生滅如世界成壞淨心如虛空無因復無緣及無和合義亦無生住滅如虛空淨心常明無轉變爲虛妄分別客塵煩惱染又五現識不動唯意識分別椀○問意識緣境多少三境三量如何

分別答古德云第六意識即比量意識能緣三世法
三性法三界法一百法等法亦皆是第六意識緣也
有二一明了二獨頭且明了者唯於五根門中取五
塵境是初念與五同緣時卒尔心中唯是現量緣其
實五塵境若後念已去不妨通比量非量作行解緣
其長等假色即比量或於五塵上起執時便是非量
即明了意識前後許通三量三境中若緣五塵實法
時是性境若後念行解必緣長等假色時即真獨影
似帶質二獨頭意識有三一夢中獨頭亦緣十八界
法唯是獨影境非實此夢中境唯是法處收亦無本

質二覺寤獨頭而緣一切法有漏無漏有為無為世
出世間有體無體空華兔角三世一切法皆悉緣得
問此覺寤意識一念緣十八界時有幾相分幾本質
幾見分答本質相分各有十八見分唯一問如何有
十分相分答十八相分從十八本質起即有十八相
分如一面鏡中觀無量人影外邊有十八實人鏡即
是一於鏡上現有十八人影像見分亦尔一見分能
緣得十八相分若質影有十八以是所緣境則無過
若一念有十八見分便有多心過三定中獨頭亦緣
十八界一百法過未境及真如等若假若實皆能緣

故三量分別者若是明了意識前後念通三量夢中
 獨頭唯非量以不稱境故覺寤通三量若緣有躰法
 時緣五境界等通現量故若緣五根界七心界等是
 比量若緣空華過未境等通比量非量若定中唯是
 現量雖緣假法以不妄執無計度故唯現量又獨頭
 意識即獨生散意緣影像門影像者諸有極微是極
 迴極略二色皆是假影色也但於觀心拆麓色至色
 邊際假立極微唯觀心影像都無實體

第五十五卷 **楞** ○問隨境各立六識之名此依五色
 根未自在說於自在位如何分別答若自在位中則

諸根互用如法華經明鼻根即能見色觀心等論云
 若得自在諸根互用一根發識緣一切境但可隨根
 無相濫矣乃至佛地經說成所作智決擇有情心行
 差別起三業化作四記等若不遍緣無此能故釋云
 三業化合有十種佛地經云身化有三一現神通化
 二現受生化三現業果化語化亦有三一度慰語化
 二方便語化三辯物語化意化有四一決擇意化二
 造作意化三發起意化四領受意化受化中四記者
 一謂一向記二分別記三及問記四默置記已上六
 識之相惣成三業之門未轉依中隨流徇境發雜染

之種結生死之根唯起蓋纏但縈若集背清淨之覺性合界處之妄塵立三有之垣墻作四流之波浪至轉依位冥冥及流隨智慧行成無漏善道諦所攝正理相應現妙觀察心決四生之疑網爲成所作智起三輪之化原若也究之於心塵勞爲菩提之妙用失之於言常樂作生滅之苦輪故知染淨非他得喪在我似乎及覆如人醉醒何者及亦是手覆亦是手要且及時非覆時覆時非及時然俱不離手醉亦是人醒亦是人要且醉時非醒時醒時非醉時然不離醉有醒亦不即醉是醒如迷亦是心悟亦是心要且迷

時非悟時悟時非迷時然迷悟非別即時節有異唯往般若轉變臨時一體匪移千差自別迷之枉遭沉沒念念成凡悟之本自圓明心心證聖樹○問如何是諸識遍計有無答古德云五八識無執以因緣變故唯現量夫為執者必須強思計度等有執也唯第六第七有遍計分別故即六七二識有執也又四句一遍而非計即第六獨頭意識遍緣一切不計執故二計而非遍即第七識唯緣賴耶起計度故三亦遍亦計第六識因中有周遍計度四非計非遍即五識唯緣五塵無計度故前五識任運證境不帶名言唯

現量故第八亦然

第五十六卷 **椀** ○如是七識於阿賴耶識中盡相應起如衆影像俱現鏡中亦如衆浪同集一水乃至如此識轉不離二義一能分別二所分別所分別既無能分別亦無無境可取識不得生以是義故唯識義得成何者立唯識義意本為遣境遣心今境界既無唯識又泯即是說唯識義成也 **椀** ○楞伽經偈云譬如巨海浪斯由猛風起洪波鼓溟壑無有斷絕時藏識海常住境界風所動種種諸識浪騰躍而轉生 **椀** 云何名為境界之風其形狀當云何耶謂青黃等

種種顯色能起眼識寶珂等珠出現種種勝妙音聲能起耳識檀乳等香熏布種種芬芳香氣能起鼻識木羅石蜜等諸安觸著和種種善美樂具能起身識甘淡等味隨其所應出種種味能起舌識現在之華未來之果種種法塵隨為彼識所緣境界能起意識今此文中舉塵取識應審觀察彼末那識即是意識細分位無別體耳如是六塵能動心體今使散亂譬如猛風故名為風如經青赤種種色珂乳及石密淡味衆華果如是七識及與藏識同耶異耶答非同非異離二邊故譬如日與光明水與波浪非同非異七

識藏識非同非異義亦復如是如經日月與光明非異非不異海水起波浪七識亦如是心俱和合生如是七識從何處所來入藏識作七種數流轉起動無斷絕時如是七轉識不從內來不從外來不從中間來唯藏識體變作七識譬如海水變作波浪如經譬如海水變種種波浪轉七識亦是心俱和合生謂彼藏識處種種識轉謂以彼意識思惟諸相義如是現識及七轉識八種心識唯有生滅無常相耶亦有實相常住相耶如是八識從無始來三際不動四相不遷真實常住自性清淨不壞之相具足圓滿無

所關少而如是等一切功德同法界故無有二相無二相故唯是一相唯一相故亦是無相皆以無相故無相亦無相疏又華嚴論云卍尊於南海中楞伽山說法其山高峻下瞰大海傍無門戶得神通者堪能昇往乃表心地法門無修無證者方能昇也下瞰大海表其心海自本清淨因境風所轉識浪波動欲明達境心空海亦自寂心境俱寂事無不照猶如大海無風日月森羅奕然明白此經意直為根熟頓說種子業識為如來藏異彼二乘滅識趣寂者故亦為異彼般若修空菩薩空增勝者故直明識躰本性全真

便明識體即成智用如彼大海無風即境界便明心
海法門亦復如是了真即識成智此經異彼深密經
意別立九識接引初根漸令留惑長大菩提故不令
其心植種於空亦不令心猶如敗種解深密經乃是
入惑之初門楞伽維摩直示惑之本實楞伽即明八
識為如來藏淨名即觀身實相觀佛亦然淨名與楞
伽同深密經文與此二部少別當知入胎出胎少年
老年乃至資生住處若色若空若性若相皆是自識
唯佛能知樹○大乘論云又此識皆唯有識都無義
故此中以何為喻顯示應知夢等為喻顯示謂如夢

中都無其義獨唯有識唯種種色聲香味觸舍林地
山似義影現而於此中都無有義由此喻顯應隨了
知一切時處皆唯有識夫從心現境結業受生不出
三細六籠九相之法如石壁釋云唯一夢心喻如有
一人忽然睡著作夢見種種事起心分別念念無間
於其違順深生取著為善為惡是親是疎於善於親
則種種慧利於惡於疎則種種陵損或有報恩受樂
或有報怨受苦忽然覺來上事都遣如有一人者即
真如一心也忽然睡著者即不覺無明忽起也作夢
者最初三細業識相也見者第二轉識相也種種事

者第三現識相也起心分別者最初六鹿境智相也
念念無間者第二相續相也於其違順深生取著者
即第三執取相也為善為惡是親是疎者第四計名
字相也於善於惡得損益者第五起業相也受苦樂
報者業繫苦相忽然覺來上事都遣者也即覺唯心
得入宗鏡故云佛者覺也如睡夢覺如蓮葉開也
第五十七卷板○夫楞伽經所明三種識謂真識現
識分別事識此中三識於八識中如何分別答真謂
本覺現謂第八餘七俱名分別事識雖第七識不緣
外塵緣第八故名分別事真謂本覺者即八識之性

經中有明九識於八識外立九識名即是真識若約
性收亦不離八識以性遍一切處故問但說賴耶等
八識俗諦已顯云何說十一種識又究竟指歸唯一
真實性復云何說廣略等諸識答因相顯性非無所
以攝末歸本自有端由攝大乘論云若不定明一切
法唯有識真實性則不得顯現若不具說十一種識
說俗諦不盡若止說前五識唯得俗諦根本不得俗
諦差別義若說俗諦不遍真識則不明了真不明了
即遣俗諦盡是故具說十一種識通攝俗諦是以了
俗無性即達真空真空雖空而不壞相俗有雖有恒

常體虛是知隨緣不有之真諦有不異事而顯現寂滅非無之俗諦有不異真而成立上來所引諸識不出一心宗板二○問境不離識識不離境者何只名唯識不名唯境答雖互相生境從識變然古釋境由心分別方生由心生故名唯識識不由境分別生不由境故不可名唯境問心是境家增上緣境假心生名唯識境是心家所緣緣心假境生應名唯境答離心執境是虛妄為遮妄心名唯識悟心無我出況淪不約二緣名唯境又有境無境皆是自心其心悉生一若緣有境生心者即是自識相分一切實境不離能

緣之心於自識外實無其境二若緣無境生心者如獨生散意緣過去未來空華兔角一切無法時心亦起故板四○問覺海澄源一心湛寂云何最初起諸識浪答雖云識浪起處無從無始無生能窮識性只為不覺忽尔念生猶若澄瀾欻然風起不出不入涵湧之洪流滔天非內非外顛倒之狂心遍境起信論云以不知真法一故心不相應忽然念動名為無明此是現根本無明最極微細未有能所王數差別故云不相應非同心王心所相應也唯此無明為染法之原最極微細更無染法能為此本故云忽然念起也

校 ○問經明初刹那識異於木石得生染淨各自能為無量無數染淨識本從初刹那不可說劫乃至金剛定中一刹那有不可說不可說識生諸有情色心二法者則有染有淨有生有滅此識約生滅門中有幾種生滅答真門順性妙合無生世相隨緣似分起盡楞伽經云大慧菩薩白佛言世尊諸識有幾種生住滅佛告大慧識有二種生住滅非思量所知謂流注生住滅相生住滅古釋云言流注者唯目第八三相微隱種現不斷名為流注由無明緣初起業識故說為生相續長劫故名為住到金剛定等覺一念斷

本無明名流注滅相生滅住者謂餘七識心境麁顯故名為相雖七緣八望亦為細具有四惑亦云麓故依彼現識自種諸境緣合生七說為相生長劫熏習名為相住從末向本漸伏及斷至七地滿名為相滅依前生滅立迷悟依依後生滅立染淨依後短前長事分二別即是流注生住滅相生住滅是以海水得風變作波濤之相心水遇境密成流注之生前波引後波鼓滄溟而不絕新念續舊念騰心海以常與從此汨亂澄源昏沉覺海 **校** ○問宗鏡搜玄云何說識答只為識性幽玄難窮本來唯佛能了下位莫知以

無迹無形爲萬有之本唯深唯妙作衆聖之原如善
薩處胎經五道尋識品云尔時世尊將欲示現識所
趣向道識俗識有爲識無爲識有漏識無漏識華識
果識無報識天識龍識鬼神阿脩羅迦樓羅緊那羅
摩睺羅伽人非人識上至二十八天下至識無救地
獄識尔時世尊即於胎中現勾瑣骸骨遍滿三千大
千世界佛告阿祁陀能別此骸骨識耶對曰不別何
以故未得通徹行力未至佛告弥勒菩薩汝此天中
未得神通耶弥勒白佛言有成就者有不成就者佛
告弥勒汝觀勾瑣骸骨令一切衆生知識所趣分別

决了令無疑滯爾時弥勒菩薩即從座起手執金剛
七寶神杖攬勾瑣骸骨聽彼骨聲即白佛言此人命
終瞋恚結多識墮龍中次復攬骨此人前身十跡行
具得生天上次復攬骨此人前身破戒犯律生地獄
中如是攬骨有漏無漏有爲無爲從二十八天下至
無救地獄知識所趣善惡果報白黑行報有一全身
舍利無有缺減爾時弥勒以杖攬之推尋此識了不
知處如是三攬前白佛言此人神識了不可知將非
如來入涅槃耶佛告弥勒汝紹佛位當於來世當得
作佛成無上道何以攬舍利而不知識處耶弥勒白

佛言佛不可思議不可限量非我等境界所能籌量
今有狐疑唯願世尊當解說之五道神識盡能得之
彼善惡所趣不敢有疑於如來處今此舍利無有缺
減願說此識令我等知佛告彌勒過去未來現在諸
佛舍利流布非汝等境界所能分別何以故此舍利
即是吾舍利何能尋究如來神識今當與汝分別如
來上中下識菩薩茫然各各不同初住菩薩未立根
德力雖得神通二住菩薩以天眼觀知識所趣退不
退地亦復觀見欲界色界無色界者或復觀見生東
方無數恒河沙佛刹供養諸佛奉律無礙亦復知彼

受記劫數一劫二劫乃至百千億劫或有菩薩住於
三地觀見舍利知識所趣於有餘涅槃無餘涅槃然
復不見四住所行識趣所向四住菩薩見一見二三
住識法然復不見五住舍利識法所趣乃至唯佛知
佛神識所念又偈云識神無形法五大以爲家分別
善惡行去就別真偽識示善道處永到安隱道識爲
第六王餘大最不如**初**○問前已廣明識相如何是
智答分別是識無分別是智如大寶積經云佛言所
言識者謂所了別眼所知色耳所知聲鼻所知香舌
所知味身所知觸意能知法是名爲識所言智者於

內寂靜不行於外唯依智不於一法而生分別及種種分別是名為智。又月照三昧經偈云不寂者是思想寂滅者是智若知想自性便離於諸想若有想可遣是則還有想彼行想戲論是人不離想若人作是心是想誰所起是想誰能證誰能滅是想起想之法者諸佛莫能得即於此處有無我離取著若其心不生何由得起想若心得解脫彼則無由起若證於解脫心則不思議心不思議故成就不思議我本作是念安住心地已棄捨一切心願成不思議白淨法果報觀見於無為一念能了知一切衆生念衆生即是

心心即是如來諸佛不思議顯了於此心

第五十七卷 **勸** ○問十煩惱何識相應答第八藏識

全無第七末那有四第六意識具十前五識唯三古釋云五識但三以無分別故無慢等慢等必由有隨念計度分別生故又由慢於稱量門起劣勝負故疑猶豫簡擇門起見推求門起故五識無此等行相故七識具我癡等四煩惱猶具審決故疑無容起由愛著我瞋不得生無一心王中有一慧故餘見不生隨煩惱有二十釋論云唯是煩惱分位差別等流性故名隨煩惱此二十種類別有三謂忿等十各別起故名

小隨煩惱無慙等二遍不善故名中隨煩惱掉舉等
八遍染心故名大隨煩惱一忿謂於現在違緣令心
憤發為體能障無瞋為業二恨謂於過去違緣結怨
不捨為躰能障無瞋為業三覆謂於過犯若他諫誨
秘所作惡為躰能障發露悔過為業四惱謂於過犯
若他諫誨便發鹿言心暴不忍為體能障善友為業
五嫉謂於他所有功德名譽心妬不悅為體能障仁
慈為業六慳謂積聚悵著為躰能障無貪為業七誑
謂惑亂於他現不實事心詭為躰能障愛敬為業八
諂為欺彼故詐現恭順心曲為躰能障愛敬為業九

憍謂恃世間興盛等事心恃高舉無所忌憚為體能
障狀離為業十害謂逼惱有情無悲無愍無哀無憐
無惻為體能障不害為業十一無慙謂不耻過惡為
躰能障愧為業十二無愧謂於世增上不耻過惡為
躰能障愧為業十三昏沉謂令心懵董為躰能障毗
鉢舍那為業十四掉舉謂依不正尋求心不寂靜為
體能障奢摩他為業十五不信謂於有體有德有能
心不淨信為體能障信為業十六懈怠謂心不勉勵
為體能障發起正勤為業十七放逸謂摠貪瞋癡憊
怠為體能障不放逸為業十八失念謂染污不記為

體能障不妄念為業十九散乱謂於所修善心不喜
樂為依止故馳散外緣為體能障等持為業二十不
正知謂於三業不正了住染汚慧為體能障正知為
業第五十八卷板○失不定有四悔眠尋伺於善染
等皆不定故非如觸等定遍心故非如欲等定遍地
故立不定名一惡作謂於已作未作善不善事若染
不染悵快追變為體能障奢摩他為業又識論稱悔
此即於果假立因名先惡所作業後方追悔故二睡
眠謂略攝於心不自在轉為體障障毗鉢舍那為業
三尋謂或時由思於法造作或時由慧於法推求散

行外境令心麓轉為體能障心內淨為業四伺謂從
阿賴耶識種子所生依心所起與必俱轉相應於所
尋法略行外境令心細轉為體能障心內淨為業釋
云尋即淺推伺即染度尋於鹿發言伺則細發語

板四古釋云煩惱為能染衆生是所染一即能所不成
異即如同水火俱無合義止觀云若一念煩惱心起
具十法界百法不相妨礙雖多不有雖一不無多不
積一不散多不異一不同多即一一即多亦如初燈
與暗共住如是明暗不相妨礙亦不相破如是了達
煩惱性空則四種瀑流唯正法行日之能竭七重慢

真樞會中
阜因平等慧風之所摧能害所害俱消自縛他縛同
解逢緣猶蓮華上之水歷事若虛空中之風一切時
中常居宗鏡見萬法無異如太虛空因分別識生名
色影現分別不起名色本虛向性空地中羨惡平等
疏○問色法有幾義答有四義百法云一識所依色
唯屬五根二識所緣色唯屬六境三摠相而言質礙
名色四別相而言略有二種一者有對若准有宗極
微所成大乘即用能造色成二者無對非極微成即
法處所攝色如上地水火風一切色法因緣似有體
用俱虛何者自躰他體皆悉性空能緣所緣俱無有

力以自因他立他因自生他是自他自是他自牙成
牙棄定性俱無又能因所成所從能立能無有力則
入所所無有力則入能牙攝牙資悉假施設緣會似
有緣散還無以惟識所持終歸空性

第五十九卷 **疏**○問三性中遍計是妄想即無依他
屬因緣是有不答此二性能所相生俱無自躰何者
因妄想故立名相因名相故立因緣若妄想不到生名
相何有名相不有因緣即空以萬法不出名故楞伽
頌云譬如修行事於一種種現於彼無種種妄想相
如是釋云此破妄想遍計性也如二乘修諸觀行若

作青想觀時天地萬物莫不皆青也以無青處見青
由心變故於一色境種種不同譬如凡夫妄見生死
亦是無生死處妄見生死也又經頌云譬如種種醫
妄想衆色現醫無色非色緣起不覺然此破因緣依
他起性也如目醫所見差別不同彼實非有緣所起
法斯則妄想體空因緣無性即是圓成究竟一法如
明眼人見淨虛空况一真心更無所有 問此三性
中幾法是假幾法是實答識論云遍計所執妄安立
故可說爲假無體相故非假非實依他起性有實有
假聚集相續分位性故說爲假有心心所色從緣生

故說爲實有若無實法假法亦無假法依實因而施
設故圓成實性唯是有實不依他緣而施設故釋云
遍計有名無躰妄情安立可說爲假談其法躰既無
有相非假非實非兔角等可說假實必依有躰摠別
法上立爲假實故依他假有三種一聚集假者如瓶
盆有情等是聚集法多法一時所集成故能成雖實
所成是假二相續假者如過未等世惟有因果是相
續性多法多時上立一假法如佛說言昔者鹿王今
我身是所依五蘊剎那滅者雖體是實於此多法相
續假立一有情至今猶在故三分位假者如不相應

行是分位性故皆是假一時一法上立如一色上名有漏可見有對亦名色等並是於一法上假施設故若彼實者應有多體其忿恨等皆此假攝心心所色從因緣種生故說為實 又三性者即是一性一性者即是無性何者遍計無相依他無生圓成無性解深密經云醫眼人如遍計現青黃如依他淨眼如圓成攝論云分別性如蛇依他性如藤若人緣四塵相拚此藤但見四相不見別藤但是色香味觸法相故藤非實有以離四塵外無別有藤所以論偈云於藤起蛇知見藤則無境若知藤分已藤知如蛇知若知

藤之性分是空則例如藤上妄生蛇相 問我見所緣影像若是依他有者應有依他性實我答此相仗因緣生但是依他性幻有之法而非是我由彼妄執為我故名妄執此有兩重相約此相從因緣生有力能生心此乃是有名依他性法於此不稱所執法義邊名遍計所執乃名為無如人昏冥執石為牛石躰不無我見所緣緣依他相有如石本非牛妄心執為牛此所執牛其體全無如相分本非我妄心執為我此所執我其體全無但有能執心而無所執我謂於此石處有所緣石而無所執牛於此相分上有所緣

法而無所執我又況云如南方人不識駝毛曾於一處聞說龜毛後忽見駝毛由不識故妄謂駝毛以爲龜毛此所見駝毛是有故如依他性法其駝毛上無龜毛妄心謂爲龜毛如所執實我法故論云有義一切及心所法由熏習力所變二分從緣生故名依他起遍計依斯妄執定實有無一異俱不俱等此二名遍計所執性**板**○問依他起相但是自心妄分別有理事雙寂名相俱虛云何有憂喜所行境界答譬如夜行見杙爲鬼疑繩作虵虵之與鬼名軀都無性相恒寂雖不可得而生怖心以體虛而成事故**六**問三

性中幾性不可滅幾性可滅耶答准佛性論云二性不可滅一性可得滅何以故分別性本來是無故不可滅真實性本來是真故不可滅他依性雖有不真實是故可滅**第六十卷板**○夫此三性法爲當是一是異若道是一不合云依圓是有遍計是無若道是異又云皆同一性所謂無性答此三性法門是諸佛密意所說諸識起處教網根由若即之取之即落凡常之見若離之捨之俱失聖智之門所以藏法師依華嚴宗釋三性同異義一圓成眞如有二義一不變二隨緣二依他二義一似有二無性三遍計所執

二義一情有二理無由真如不變依他無性所執理
無由此三義故三性一際又約真如隨緣依他似有
所執情有由此三義亦無異也是故真該妄末妄徹
真原性相融通無障無礙校五○是以三性無際隨一
全收真妄互融性相無礙如來一代時教怕沙義門
密意摠在三性門中真俗本末一時收盡以顯唯識
正理更無異轍以依他性是唯識體從依他起分別
即是遍計從依他悟真實即是圓成由分別故一分
成生死由真實故一分成涅槃了分別性空即生死
成涅槃迷真實性有即涅槃成生死都是一法隨情

義成三三非三而一理圓一非一而三性具卷舒不
失隱顯常如非一非三泯性相於實地而三而一耀
行布於義天撮要所歸莫先斯旨其人
第六十一卷校三○又立况解自證分見相二分者且
如自證分起見相二分更執二分爲我法如結巾成
兔手中是有喻自證分結手巾爲兔頭手巾上本無
兔頭今結出之是故名無如自證分上本無見相二
分由不證實故似二分起是故名無如所結手巾爲
兔頭也是一重假更結出二耳又是一重假如從自
證分變起見相二分已是一重假更執二分爲我法

又是一重假則見相二分雖假似有從種生故其我法
二執非有是遍計妄執故校五○天王般若經偈云惣
持無文字文字顯惣持大悲方便力離言文字說思
益經云汝等比丘當行二事一聖說法二聖默然但
正說時了不可得即是默然不是杜口無說故昔人
云幻人說法幻人聽由來兩箇惣無情說時無說從
君說聽處無聽一任聽楞伽經云大慧復白佛言
如世尊說我從某夜得最正覺乃至某夜入般涅槃
於其中間不說一字亦不已說當說不說是佛說大
慧白佛言世尊如來應正等覺何因說言不說是佛

說佛告大慧我因二法故作是說云何二法謂緣自
得法及本住法故名二法因此二法故我作如是說
云何緣自得法若彼如來所得我亦得之無增無減
緣自得法究竟境界離言說妄想離文字二趣云何
本住法謂古先聖道如金銀等性法界常住若如來
出世若不出世法界常住如趣彼城道譬如士夫行
曠野中見向古城平坦正道即隨入城受如意樂偈
云我某夜得道至某夜涅槃於此二中間我都無所
說緣自本住故我作如是說彼佛及與我悉無有差
別釋云此有二因一即緣自得法自所得法即是證

道證法在已離過顯德二即緣本住法本住即古先
聖道傳古非作此上是據理約證云不說若但是自
心聞則佛常不說**疏**○問但云方便說則無妨若約
正宗有言傷旨答我此圓宗情解不及豈同執方便
教人空有不融通躰用兩分理事成隔說常住則成
常見說無常則歸斷滅亦邊則成邊執存中則著中
理今此圓融之旨無礙之宗說常則無常之常說無
常則常之無常言空則不空之空言有則幻有之有
談邊則即中之邊談中則不偏之中立理則成事之
理立事則顯理之事是以卷舒在我隱顯同時說不

乖於無說無說不乖於說**疏**○勝天王般若經云
時衆中有一菩薩名須眞脰白勝天王言如來為大
王受記乎勝天王答言善男子我受記如夢相又問
大王如此受記當得何法答曰佛授我記竟無所得
又問無所得者為何法是答曰不得衆生壽者我人
養育蔭界入悉無所得若善不善若染若淨若有漏
若無漏若世間若出世間若有為若無為若生死若
涅槃悉無所得又問若無所得何用受記答曰無所
得故則得受記**疏**○問虛妄分別以何為本答攀緣
為本又問何所攀緣答緣色聲香味觸法又問云何

不緣答若離愛取則無所緣以是義故如來常說諸法平等是以法平等故說無差別此方說法十刹皆然即一處遍一切處故所以同證同宣互為主伴若論至理無佛無衆生豈云感應若於佛事門中機應非一若無衆生機諸佛則不應豈可執自執他論內論外而生邊見耶如法華玄義問云衆生機聖人應爲一爲異若一則非機應若異何相交關而論機應答不一不異理論則同如是故不異事論有機感是故不一譬如父子天性相關骨肉遺體異則不可若同者父即子子即父同又不可只不一不異而論

父子也衆生理性與佛不殊是故不異而衆生隱如來顯是故不一不一不異而論應機也又同是非事非理故不異衆生得事聖人得理又聖人得事凡夫有理故論異問爲用法身應用應身應若應身應身無本何能應若用法身應則非法答至論諸法非去來今非應非不應而能有應亦可言法應亦可言應應法應則真益應應則顯益椀○衆生根性百千諸佛巧應無量即是機應不同意也今略言爲四一者真應二者顯機者顯機顯應四者顯機真應三其相云何若言修三業現在末運身口藉往善力此名

為真機也雖不相見靈應而密為法身所益不見不聞而覺而知是名真益也二真機顯益者過去植善而真機已成便得值佛聞法現前獲利是為顯益如佛最初得度之人現在何嘗修善諸佛照其宿機自往度之即其義也三顯機顯應者現在身口精勤不懈而能感降如須達長跪佛往祇洎月蓋曲躬聖居門間如即行人道場禮懺能顯靈瑞即顯機顯應也四顯機真應者如雖一世勤苦現善濃積而不顯感真有其利此是顯機真益若解四意一切低頭舉手福不虛弃終日無感終日無悔若見喜殺壽長好施

食之不生邪見不解此者謂其徒功喪計憂悔失理釋論云今我病苦皆由過去今生修福報在當來正念無僻得此四意也第六十二卷板○廣略之教透表之詮雖開合不同摠別有異然皆顯唯心之旨終無識外之文證若怕沙豈唯一二所以法華經偈云知第一寂滅以方便力故雖說種種道其實為佛乘又偈云今我亦如是安隱衆生故以種種法門宣示於佛道釋曰知第一寂滅者真如一心是本寂滅非輪迴生滅之滅亦非觀行對治之滅故稱第一於一寂滅之中即無法可敷揚無道可建立為未了者以

方便大慈力故雖說種種別門異道若尅而論唯但指歸一心佛乘更無餘事今我亦如是者今我與十方佛同證此法悉皆如是以此安樂一切有情示三乘五性種種法門宜揚於唯心佛道板二○文說所緣唯識所現者汝謂識外所緣我說即是內識上所現世親說謂識所緣唯識所現乃至佛告慈氏無有少法能取少法無作用故但法生時緣起力大即一躰上有二影生更互相望不即不離諸心心所由緣起力其性法尔如是而生心意識所緣皆非離自性者自性即自心法或理躰即義之所依板三○非唯佛教

以心為宗三教所歸皆云及已為上如孔子家語衛靈公問於孔子曰有語寡人為國家者謹之於廟堂之上則政治矣何如孔子曰其可也愛人者則人愛之惡人者則人惡之所謂不出園堵之室而知天下者知及已之謂也是知若定已以徇物則無事而不歸自然取捨忘懷美惡齊旨板四○阿毗達磨經說菩薩成就四智能隨悟入唯識無境即是地前小菩薩雖未證唯識之理而依佛說及見地上菩薩成就四般唯識之智遂入有漏觀觀彼十地菩薩所變大地為黃金攬長河為酥酪化肉山魚米等事此小菩薩

入觀觀已即云如是所變實金銀等皆不離十地菩薩能變之心更無外境既作觀已亦能隨順悟入真唯識理又如勝論祖師爲守六句義故變身爲大石此有實用若定實境者不應隨心變身境爲石問且如變大地爲金時爲滅却地令金種別生爲轉其地便成金耶答唯識鏡云爲佛菩薩以妙觀察智繫大圓鏡智及異熟識令地種不起金種生現以此爲增上能令衆生地滅金生名之爲變非爲便轉地成金又天人鬼魚所見隨業差別但唯境識變若識外別有實境云何隨變木石等亦然又如一美色媼人

見之以爲淨妙心生染著不淨觀人觀之種種惡露無一淨處等婦人見之妬瞋憎忌目不欲見以爲不淨媼人觀之爲樂妬人觀之爲苦淨行之人觀之得道無預之人觀之無所適莫如見土木若此美色實淨四種人觀皆應見淨若實不淨四種人觀皆應不淨以是故知醜在心外無定也

第六十三卷 **經** ○諸經要集云夫云罪行妄見境染執定我人取著違順便令自他皆成惡業是以經偈云貪欲不生滅不能令心腦若人有我心及有得見者是人爲貪欲將入於地獄是故心外雖無別境稱

彼迷情強見起染如夢見境起諸貪瞋稱彼夢者謂
實不虛理實無境唯情妄見故校五○問若衆生慧業
心感現地獄事理即可然且如觀佛心時云何純現
地獄答此略有二義一若約理而觀佛之心性本含
法界無一塵而不遍無一法而不通二若約事而觀
佛唯用救苦爲意以物心爲心則地獄界全是佛心
運無緣慈不問同體所以觀佛心品云佛告大王欲
知佛心光明所照常照如此無間無救諸苦衆生佛
心所緣常緣此等極惡衆生以佛心力自莊嚴故過
等數劫令彼罪人發菩提心

第六十四卷

論主言外色實無是內識之境者

即可然且如他人心是實有豈非自心所緣耶意云
且如此人心若親緣得他人心著即離此人心別有
心爲境若此人心緣他人心不著者即有境而不緣
若緣著即乖唯識義若緣不著者即何成他心智耶
論主答雖說他心非自識境但不說彼是親所緣意
云雖說他人心非此人境若此人親緣他人心即不
得若託他人心爲質自變相分緣亦有他心智但變
相分緣時即不得他人本質但由他人影像相自心
上現名了他心即知他心相分不離自心亦唯識意

云此人心緣他人心時變起相分常情相分無實作用非如手等執物亦非如日舒光親照其境緣他人心時但如鏡中影似外質現鏡中像亦無實作用緣他人心時亦復如是非無緣他人心躰故名了他心非親能了親所了者謂自所變言識之一字者非是一人之識摠顯一切有情各各皆有八識即是識之自躰五十一心所識之相應何獨執一人之識

極四 ○問觀他心智者為實知他心為不實知二俱有過答如前已說若立自他於宗俱失此皆約世諦識心外分別故識論頌云他心知於境不如實覺知以非離識境唯佛如實知他心智者不如實知以自心內虛妄分別以為他心以自心意意識雜故如彼佛地如實果躰無言語處勝妙境界唯佛能知餘人不知以彼世間他心智者於彼二法不如實知以彼能取境界虛妄分別故此唯是識無量無邊甚深境界非是心識可測量故如上約法相宗說若約法性宗先德云知他心者皆如實知審於事實見理實故亦非心外可見亦非無境可知若自他相絕則與衆生心同一躰故無心外也不壞所故能知也

極 ○不知外質即佛心故所以諸佛如來隨多心念意能頓了

如金剛經云余所國土中所有衆生若干種心如來
悉知華嚴頌云無量億劫勤修學得是無上菩提智
云何不於一念中善知一切衆生心此是意圓對如
來一念之中皆一時頓應無一不應教名圓對斯乃
了心非心方能遍應若心在有無則成隔礙

板 ○問衆生緣佛身時是識所變只如佛緣所化有
情身土之時是何所變答若衆生見佛是有漏轉識
所變相分等流色攝若佛緣有情是無漏智所變定
果色攝識智雖殊俱不出自心之境並是增上緣力
互令心現 **板** 第六十五卷 **板** ○夫能所之見則心

境宛然聖人知見如何甄別答雙照有空不住內外
似谷荅聲而絕慮如鏡鑒像而無心妙湛圓明寂而
常照故云常在正念亦名正知非是有念有知亦非
無念無知有無皆想俱非正知但無念而照名曰正
照無知而知名曰正知若唯無念寂而失照若但照
體照而失寂並稱不正正在雙行 **板** ○問聖人見實
相之妙色感情還見不答唯見不實不見不實之實
如見杙為賊不見杙也又如一真空理見成二諦若
世人知者名為世俗諦出世人知名第一義其所知
處未必懸殊其所知境各從心現如醫目見明珠有

類淨眼觀瑩淨無瑕羨惡唯自見殊殊躰本末如一
椽○復次四大及造色圍虛空故名為身舞中內外
入因緣和合生識種身得是種和合作種種事言語
坐起去來空六種和合中強名為男強名為女若六
種是男應有六男不可以一作六六作一既於地種
中無男女相乃至識種亦無男女相若各各中無和
合中亦無如六狗各各不能生師子和合亦不能生
無性故**椽**○佛言從本已來無我無人無有丈夫但
是內心見有我人內心起時彼已害我即名為害乃
至是中無有一沫和合聚集決定成就得名為佛名

法名僧名父名母名阿羅漢定可取者

第六十六卷**椽二**○如人遠行獨宿空亭夜中有一鬼

擔一死屍來放亭前復有一鬼從後而來瞋罵其鬼

云是我屍何以擔來前鬼復言本是我物自擔來二

鬼各以一手爭之前鬼語曰可問此人後鬼即問是

誰死人誰擔將來是人思惟此之二鬼皆有大力實

語虛語皆不免死我今不應妄語答鬼便答後鬼前

鬼擔來後鬼大瞋拔其手足出著地上前鬼愧之取

屍補之補之便著臂手足等舉身皆易於是二鬼共

食所易活人之身各各拭口分首而去其人思惟父

母生身眼見食盡我今此身盡是他肉爲有身耶爲無身耶如是思惟心懷迷亂不知所措猶如狂人天旣明矣尋路而去至前國土見有佛塔凡見衆僧不論餘事但問已身爲有爲無諸比丘問汝何人耶答曰我亦不知是人非人即爲衆僧廣說上事衆僧皆云此人自知已身無我易可化度即語之言汝身本來恒自無我但以四大和合聚集計爲本身如汝本身與今無異時諸比丘度爲沙門斷煩惱盡得阿羅漢是故有時於他人身亦計爲我已無我故有時於我謂爲他人故才殊問經云有老人夜卧手提兩膝

而使問云那得有此兩小兒耶身若有我云何不識謂爲小兒故知橫計皆無定實按王正論偈云如人依淨鏡得見自面影此影但可見一向不真實我見亦如是依蔭得顯現如實檢非有猶如鏡面影

按四 ○古師云衆生爲善惡而受其報者皆由衆生心識三世相續念念相傳如今世現行五蘊猶前世識種爲因起今世果今世有作業熏種而爲來世現行因展轉相續爲因果故按 ○大涅槃經云外道先尼言瞿曇若無我者誰見誰聞佛言善男子約有六入外有六塵內外和合生六種識是六種識因緣得名

善男子譬如一火因木得故名為木火因草得故名
為草火乃至衆生意識亦復如是因眼因色因明因
欲名為眼識善男子如是眼識不住眼中乃至欲中
四事和合故生是識乃至意識亦復如是

板 ○問既無我無人云何有生有死答但生是空生
死是空死畢竟無有我人可得如經云一切世間法
唯因果無人但是依空法還生於空法是知衆生界
中但有名數名數本空萬法何有

第六十六卷 **板** ○夫外計內執我者皆於地水火風
空識六大種中於身內識煖息三事等起執今觀六

大三事內唯是識之一大世多堅執以為實我今只
用於內外三世中推自然無我無識且內外推者只
如執識實在身內者且何者是識若言 推破云云 四大各
離唯是空大何者是識 **板** ○凡夫迷夢怕怖生老病
死 ○二乘偏見狀離成住壞空若頓悟之時不狀不
怖全將生死法度脫於群生以生死性空故如釋迦
如來不離不著生則王官降誕演獨尊之文老則壽
八十年示遷壞之法病則背痛偃卧警泡幻之身死
則示滅雙林顯無常之若令小根者悟其遷變俾大
器者頓了圓常故知生老病死之中盡能發覺行住

坐卧之内俱可證真豈同怖狀凡小之見乎

第六十七卷 **板** ○如緣真如作有如解即是法執若

作無解雖不稱如仍因成聖釋曰若作如解即是法

執者若起能解之心即立所證之理所境既立迷現

量心知解纔生便成此量皆爲法執失唯識宗所以

華嚴經云智外無如爲智所入如外無智能證於如

則心境如如一道清淨 **板** ○問涅槃經佛說有真我

佛性之理諸菩薩等皆伸懺悔我等無量劫來常被

無我之所漂流今廣說無我者莫不違涅槃之教不

答今言無我者謂破凡夫外道迷唯識理妄執心外

大三事內唯是識之一大世多堅執以爲實我今只

用於內外三世中推自然無我無識且內外推者只

如執識實在身內者且何者是識若言 推破云云 四大各

離唯是空大何者是識 **板** ○凡夫迷夢怕怖生老病

死 ○二乘偏見狀離成住壞空若頓悟之時不狀不

怖全將生死法度脫於群生以生死性空故如釋迦

如來不離不著生則王宮降誕演獨尊之文老則壽

八十年示遷壞之法病則背痛偃卧警泡幻之身死

則示滅雙林顯無常之若令小根者悟其遷變俾大

器者頓了圓常故知生老病死之中盡能發覺行住

坐卧之内俱可證真豈同怖狀凡小之見乎

第六十七卷板○如緣真如作有如解即是法執若作無解雖不稱如仍因成聖釋曰若作如解即是法執者若起能解之心即立所證之理所境既立迷現量心知解纔生便成此量皆爲法執失唯識宗所以華嚴經云智外無如爲智所入如外無智能證於如則心境如如一道清淨板○問涅槃經佛說有真我佛性之理諸菩薩等皆伸懺悔我等無量劫來常被無我之所漂流今廣說無我者莫不違涅槃之教不答今言無我者謂破凡夫外道迷唯識理妄執心外

實有我法如外道所執略有三等一僧佉等執我體常周遍量同虛空隨處造業受苦樂等二尼乾子執我其躰雖常而量不定隨身大小有卷舒故三遍出執我躰常至細如一極微濇轉身中作事業故餘九十種所計我等不異此三故此等妄執俱無道理唯成五見之邪思豈同四德之真我○涅槃經云如出世人之所知者名第一義諦世間人知者爲世諦仁王經云於解常自一於諦常自二所以仁王雖分二諦智照常一涅槃本唯一諦解惑分二斯則二而不二不二而二一二自在爲真二諦故昔人頌云二諦

並非雙相乖未曾各即其義也

真樞會要卷中

五... 六... 七... 八... 九... 十... 十一... 十二... 十三... 十四... 十五... 十六... 十七... 十八... 十九... 二十... 二十一... 二十二... 二十三... 二十四... 二十五... 二十六... 二十七... 二十八... 二十九... 三十... 三十一... 三十二... 三十三... 三十四... 三十五... 三十六... 三十七... 三十八... 三十九... 四十... 四十一... 四十二... 四十三... 四十四... 四十五... 四十六... 四十七... 四十八... 四十九... 五十... 五十一... 五十二... 五十三... 五十四... 五十五... 五十六... 五十七... 五十八... 五十九... 六十... 六十一... 六十二... 六十三... 六十四... 六十五... 六十六... 六十七... 六十八... 六十九... 七十... 七十一... 七十二... 七十三... 七十四... 七十五... 七十六... 七十七... 七十八... 七十九... 八十... 八十一... 八十二... 八十三... 八十四... 八十五... 八十六... 八十七... 八十八... 八十九... 九十... 九十一... 九十二... 九十三... 九十四... 九十五... 九十六... 九十七... 九十八... 九十九... 一百...

